

Seguirá o problema da Grécia

Description

Os gregos esperaban que a Union Europea cederia na cuestion económica, como era o habitual até hai pouco, e fecharia os ollos para que Grécia non saíse da Union, igual que os fechou para que entrase nela sabendo que as contas que presentaran eran falsas. Mas as cousas mudaron.

Os gregos esperaban que a Union Europea cederia na cuestion económica, como era o habitual até hai pouco, e fecharia os ollos para que Grécia non saíse da Union, igual que os fechou para que entrase nela sabendo que as contas que presentaran eran falsas. Mas as cousas mudaron.

A prosperidade, que era un dos fundamentos e promesas da Union Europea, foi substituída por unha austeridade fraudulenta que trouxo espolio, pobreza e miseria. A "paz", que era outro dos fundamentos, tampouco está nada segura no meio de outra guerra fría que pode virar quente en calquer momento. A Franza, que tiña que ser o motor político dese bloco deseñado para o continente europeo por mentes de outro continente que non entenderon o que era Europa e pensaron que sería moi fácil facer un estado supranacional que funcionase como unha empresa multinacional, está en pésimo estado e sen rumbo. E Alemaña, que tiña que ser o motor económico e a que dirixise a todos segun os deseñadores da nova Europa, encóntrase nunha situación que non lle agrada e que a desasosega. Alemaña foi o país que mais se aproveitou do grande mercado que para ela representou a UE, e iso veulles ben ás elites políticas, mas os alemans saben que a economía europea anda desencamiñada. O novo partido antieuropeísta, Alternativa para Alemaña, inquieta aos partidos tradicionais. Aínda que resulte difícil de imaxinar, non sería imposible que fose Alemaña a que, por motivos económicos e políticos, non quixese seguir na Union Europea.

A Union Europea non vai ceder fronte a Grécia, porque Alemaña e os países do Norte non van querer e porque vai haber eleccións en países con gobernos que aplicaron a austeridade sen pensar nas consecuencias, e agora non poden permitir que ao novo goberno da Grécia se lle fagan concesións que os deixarian quedar mal a eles.

APARTADOSTEMATICOXEOGRAFICOS

Europa

ETIQUETAS

Unión Europea Alemaña Grecia

IDIOMA

Galego

Date Created

Marzo 22, 2015

Meta Fields

Autoria : 3769

Datapublicacion : 2015-03-22 00:00:00

Subtitulo : Unha reflexión de Teresa Barro